



JKP "VODOVOD" d.o.o. CAZIN

Na osnovu člana 8. Zakona o javnim preduzećima u FBiH ("Službene novine Federacije BiH br.8/05, 81/08, 22/09, 109/12), te odluke Nadzornog odbora JKP "Vodovod" d.o.o. Cazin, broj: 14-1-04/26 od 28.01.2026. godine Nadzorni odbor JKP "Vodovod" d.o.o. Cazin raspisuje:

KONKURS

za izbor i imenovanje jednog člana Odbora za reviziju JKP „Vodovod“ d.o.o. Cazin

I Predmet javnog konkursa

Objavljuje se javni konkurs za izbor i imenovanje jednog člana Odbora za reviziju JKP "Vodovod" d.o.o. Cazin. Imenovanje člana Odbora za reviziju vrši Skupština javnog preduzeća na prijedlog Nadzornog odbora.

II Opis pozicije

Odbor za reviziju nadležan je da: imenuje vanjskog revizora, donosi Poslovnik o radu Odbora za reviziju, usvaja Strateški plan interne revizije, razmatra izvještaj eksternog revizora i očituje se o datom mišljenju i eventualnim preporukama te očitovanje upućuje Upravi, Nadzornom odboru i Skupštini, daje mišljenje na prijedlog Uprave o načinu raspodjele dobiti, odnosno, pokriva gubitka Nadzornom odboru, daje mišljenje Nadzornom odboru o finansijskim izvještajima na polugodišnjem i godišnjem nivou, daje mišljenje Nadzornom odboru o izvještajima Uprave o nabavkama, daje preporuke Upravi o uočenim nepravilnostima, podnosi Nadzornom odboru informaciju o svojim mjesečnim sastancima, sa opisom preporuka datih Upravi, podnosi Skupštini Izvještaj o radu, dužan je izvršiti reviziju polugodišnjeg i godišnjeg obračuna i istovremeno kontrolu usklađenosti poslovanja društva i funkcioniranja organa društva u skladu sa Zakonom o privrednim društvima, drugim relevantnim propisima i osnovnim principima korporativnog upravljanja i o tome dostaviti izvještaj Skupštini i Nadzornom odboru najkasnije osam dana po okončanju revizije, u suradnji sa Nadzornim odborom priprema Etički kodeks Preduzeća, obavlja i druge poslove u skladu sa zakonom.

III Mandat

Skupština Preduzeća vrši konačno imenovanje člana Odbora za reviziju, na prijedlog Nadzornog odbora na period od 4 (četiri) godine.

Izbor i predlaganje kandidata za člana Odbora za reviziju Nadzorni odbor vrši na osnovu prijedloga Komisije za provođenje Javnog konkursa koju imenuje Direktor Preduzeća koja provodi konkursnu proceduru i predlaže rang listu najuspješnijih kandidata Nadzornom odboru. Naknada i druga prava članova Odbora za reviziju uređuju se ugovorom na osnovu odluke Skupštine preduzeća.

IV Uslovi za izbor i imenovanje:

Kandidati za imenovanje članova Odbora za reviziju moraju ispunjavati opće i posebne uslove:

a) Opći uslovi:

Za člana Odbora za reviziju može biti imenovan kandidat koji ispunjava slijedeće opće uslove:

1. da je državljanin Bosne i Herecegovine,
2. da je stariji od 18 godina, a da nije stariji od 65 godina na dan imenovanja,
3. da nisu lica kojima je pravosnažnom sudskom odlukom zabranjeno obavljanje aktivnosti iz nadležnosti Odbora za reviziju,
4. da nisu lica na funkciji u političkoj stranci,
5. da nisu članovi Skupštine, Nadzornog odbora, Uprave ili radnici JKP "Vodovod" d.o.o. Cazin
6. da nemaju direktni ili indirektni finansijski interes u JKP "Vodovod" d.o.o. Cazin, izuzev naknade za rad u Odboru za reviziju,
7. da nisu zaposleni i da nisu angažovani na bilo koji način u institucijama, organima uprave i privrednim subjektima koji vrše poslove kontrole revizije i poslovanja JKP "Vodovod" d.o.o. Cazin,

b) Posebni uslovi

- visoka ili viša stručna sprema ekonomskog ili pravnog smjera;
- godina dana radnog iskustva u struci;
- rezultati i priznanja ostvareni u dosadašnjem radu - preporuka ranijih poslodavaca, certifikati, potvrde, uvjerenja, priznanja i dr. (ukoliko kandidati iste posjeduju),
- prilagodljivost timskom radu, komunikativne sposobnosti za savjesno, odgovorno i odlučno obavljanje pozicije za koju se kandiduje;
- sposobnost nepristrasnog donošenja odluka.

V Kriteriji izbora

Prilikom izbora uzet će se u obzir slijedeće kriteriji:



JKP "VODOVOD" d.o.o. CAZIN

1. da posjeduju stručna znanja vezana za nadležnosti i rad Odbora za reviziju i način rada organa upravljanja privrednih društava što će se utvrditi na osnovu priloženih uvjerenja, potvrda i certifikata iz oblasti revizije i računovodstva, referensi i putem intervjua,
2. rezultati i priznanja ostvareni u dosadašnjem radu – preporuka ranijih poslodavaca, certifikati, potvrde, uvjerenja, priznanja i dr. (ukoliko kandidati iste posjeduju),
3. znanje i sposobnost razumijevanja poslovnih izvještaja i poznavanje propisa koji se primjenjuju na rad i poslovanje javnih komunalnih preduzeća,
4. da posjeduje sposobnost za savjesno, odlučno i odgovorno obavljanje povjerene funkcije za koju se kandiduju kao i sposobnost nepristrasnog donošenja odluka,
5. komunikacijske i organizatorske sposobnosti.

VI Potrebni dokumenti:

- potpisana prijava na Konkurs,
- biografija (CV),
- lična karta ili cips prijava,
- uvjerenje o državljanstvu,
- diploma više/visoke stručne spreme ekonomske ili pravne struke, koja je stečena po propisima koji su se primjenjivali prije početka Okvirnog zakona o visokom obrazovanju u BiH ili koja je stečena u skladu sa Okvirnim zakonom o visokom obrazovanju,
- ovjerena izjava da nisu lica kojima je pravosnažnom odlukom suda zabranjeno obavljanje aktivnosti iz nadležnosti Odbora za reviziju,
- izjavu ovjerenu od nadležnih organa (gradski organ uprave ili notar) za opće uslove iz tačke IV a) podtačke 4, 5, 6 i 7.
- potvrda ili uvjerenje o traženom radnom iskustvu,
- poželjno je posjedovanje certifikata za revizora ili računovođu, uvjerenje, potvrde, reference ili preporuke za uslove iz člana 3. ovog konkursa, ukoliko kandidati iste posjeduju (za ostale članove Odbora za reviziju).

JKP "Vodovod" d.o.o. Cazin zadržava pravo da za kandidate koji ispunjavaju uslove iz ovog konkursa provjeri kod nadležnih organa tačnost podataka datih u izjavama.

Kandidati su dužni uz prijavu koja sadrži kraću biografiju, adresu i kontakt telefon priložiti originalne dokumente ili ovjerene fotokopije naprijed navedenih dokumenata koji ne mogu biti stariji od 6 mjeseci.

Kandidati koji dostave potpunu dokumentaciju o ispunjavanju uslova iz konkursa bit će pozvani na intervju. Konkurs za podnošenje prijave ostaje otvoren 14 (četrnaest) dana od dana objavljivanja, a objavit će se u „Službenim novinama Federacije BiH“, dnevnom listu „Oslobodjenje“ i na web stranici Preduzeća www.vodovodcazin.com.

Prijavu sa traženom dokumentacijom dostaviti lično ili preporučenom poštom na adresu:

JKP Vodovod d.o.o. Cazin, Ul. Lojička bb, 77220 Cazin,

sa naznakom PRIJAVA NA KONKURS - ODBOR ZA REVIZIJU Komisija za provođenje konkursa sa napomenom:

1. za poziciju člana Odbora za reviziju

Neblagovremene i nepotpune prijave neće se uzeti u razmatranje.

Kandidati će biti pismeno obavješteni o rezultatima Javnog konkursa, a priložena dokumentacija se neće vraćati.



Nadzorni odbor
JKP "Vodovod" d.o.o. Cazin
Enes Mustafić, predsjednik